

# PLEIV TUJETSCH



**Rapport annual 2000**

# Invitaziun

alla radunonza generala dalla Pleiv da Tujetsch  
gliendisdis, ils 23 d'avrel 2001 allas 20.15 uras,  
en sala casa da scola Rueras

## Tractandas

Avertura e beinvegni

1. Elecziun da dus dumbravuschs
2. Protocol dalla radunonza generala dils 14 da matg 2000
3. Rapport dil president dalla pleiv
4. Rapport dalla presidenta dil Cussegl pastoral
5. Rapport da quen, dils revisurs ed approbaziun dil quen 2000
6. Preventiv e fixar il pei da taglia per 2001
7. Purificaziun dalla proprietad dallas fundaziuns ecclesiasticas dalla pleiv da Tujetsch
8. Midada dils artechels 25 e 26 dalla constituziun dalla pleiv
9. Decisiun partenent las fiastas da processiun
10. Elecziun dalla delegada ni delegau el parlament dalla baselgia catolica dil Grischun
11. Elecziuns dalla suprastonza da pleiv
12. Varia

**Vossa presenza alla radunonza dat veta e sustegn a nossa pleiv**

Per la suprastonza da pleiv Tujetsch:

Il president:

Il vicepresidente:

Conrad Berther

Mupest Venzin

# Protocol

Radunonza generala dalla pleiv da Tujetsch, venderdis, ils 19 da matg 2000 allas 20.00 uras en sala biala dalla casa da scola a Sedrun.

## Tractandas

Avertura e beinvegni

1. Elecziun da dus dumbravuschs
2. Protocol dalla davosa radunonza generala dils 23 d'avrel 1999
3. Rapport dil president dalla pleiv
4. Rapport dalla presidenta dil Cussegl pastoral
5. Rapport da quen, dils revisurs ed approbaziun dil quen 1999
6. Preventiv e fixar il pei da taglia per anno 2000
7. Devisiun partenent las fiastas da processiun
8. Purificaziun dalla proprietad dallas fundaziuns ecclesiasticas dalla pleiv da Tujetsch
9. Varia

Presents: 18 personas

Perstgisas:

Berther Rita Rueras, Cathomen Bernadetta Sedrun, Berther Ciril Rueras, Soliva Marcel Sedrun, Cavegn Uschi Camischolas, Cavegn Alexander Rueras e Sabrina Hendry Surrein.

Nies president Conrad Berther arva a bun'ura la radunonza generala da pleiv, fagend a tuts presents che han priu la peda da serender en sala biala in cordial beinvegni. El giavischa ina emperneivla e speditiva deliberaziun dallas tractandas ed engrazia per gl'interess che vegn demussaus pils fatgs da nossa pleiv. En special beneventa el sur Alexi Manetsch. Alla presidenta dil cussegl pastoral che sa muort motivs da sanadad buca prender part da quella seduta giavischein buna reconvalescenza e tut bien.

Tractanda 1

### **Elecziun dad in dumbravuschs**

Sco dumbravuschs vegn signur Battesta Monn da Sedrun elegius.

## Tractanda 2

### **Protocol dalla radunonza generala dils 24 d'avrel 1998**

Il protocol dalla davosa radunonza generala vegn approbaus sco publicau el rapport annual senza objecziuns.

## Tractanda 3

### **Rapport dil president dalla pleiv**

Il rapport dil president ei vegnius publicaus e farmess en mintga casada. President Conrad Berther engrazia a mintgin che segida sin ina moda ni l'otra cun nossa pleiv. In sincer engraziament admetta el a sur Alexi Manetsch che metta tut sias forzas en disposiziun per il beinstar da nossa cuminonza sco era per tut ses buns survetschs.

La dumengia dil S. Rusari ha el astgau festivar siu 10avel onn sco pastur dallas olmas en nossa Val Tujtsch. En num dalla pleiv engraziein nus al giubilar pil grond engaschi duront quei decenni.

Dapi l'entschatta avrel 1999 porscha la pleiv da Tujtsch in niev agid social. Avon in onn ha dunna Maribarla Vincens-Hitz acquistau il diplom ella scolaziun sociala. Aschia san persunas che giavischan agid sevolver directamein tier ella. Per exempel: Accompi-gnar moribunds, famiglias da moribunds, famiglias en malencurada, malsaus e reconvalescents, mummas e babs che dattan buca damogn all'educaziun, geniturs da giuvenils che prendan drogas, giuvens/as che han problems cun la scola ni culs geniturs ed era seniors che drovan igl agid dalla spitex ni che fan patratgs dad ir en casa da vegls.

Sco nus vein gia fatg enconuschent ella Tuatschina ha dunna Angelica Tuor da Camischolas acquistau cun success il diplom da catechetas. Sia scolaziun ha cuzzau treis onns. Nus essan ordvart engrazieivels che l'Angelica ei stada prompta da sescolar e metter a disposiziun sias forzas per l'instrucziun en nossas scolas e gratulein cordialmein persuerter.

Per levgiar il pensum dils ugaus da baselgias e capluttas ha la suprastonza fatg enqual midada. Naven dall'entschatta zercladur 1999 administrescha il cassier dalla pleiv era ils fatgs finansials da tuttas baselgias e capluttas da Tujtsch. Cun quella slihaziun vegn la lavur dils ugaus da baselgias e capluttas sminuida considerablamein e sco la suprastonza ha sentiu en raschienen culs pertuccai ha negin giu zatgei encounter.

Il contract da servitut denter la pleiv e la vischnaunca da Tujtsch partenent il possess e

diever dil terren e las localitads dalla baselgia s. Vigeli, santeri e contuorn ei ussa sutta-screts e registraus.

La suprastonza dalla pleiv ha numnau signur Valentin Deragisch sco niev ugau dil sontget. Per la promptadad da far quei survetsch admettein nus ad el in Dieus paghi.

La confederaziun schenghegia alla baselgia da S. Giachen ina biala donnaziun da frs. 46'000.- per la renovaziun interna da quella. Engrazia fetg persunter.

La fiasta dil s. Rusari havein astgau inaugurar e benedir en las novas statuas ch'ei vegnidas enguladas avon 8 onns e ch'ins ha schau far suenter. Igl acquist dallas figuras ha custau la summa da rodund 75'000.00 frs. La damonda finanziaria per sustegn ha giu bien success. Alla fin digl onn da quen ha la baselgia da s. Vigeli astgau prender encunter donnaziuns per las figuras da 407'000.00 frs. A tut tgi che ha bien cor e capientscha seigi quei el senn religius ni cultural in sincer engrazia fetg.

Il 9 da december 1998 a caschun dalla Missiun en Tujetsch ei la caplutta da s. Onna a Camischolas vegnida benedida en da nies plevon Sur Alexi Manetsch. La fiasta d'inauguraziun ei lu stada da Sontgilcrest digl onn suenter. La restauraziun dalla caplutta ha custau total 3'087'677.00 frs. Alla fin digl onn 1999 haveva la caplutta in deivert restont da 387'677.00 frs. A tuts donaturs dalla pleiv ed ordvart in grond engrazia fetg.

Il quen per 1999 ei cuntenius el rapport annual. Per l'emprema ga ha il cassier dalla pleiv era administrau las finanzas dallas baselgias e capluttas. La sorprendida da tut quei ha dau immens bia lavur al cassier e nus lessen haver engraziau ad el per la promptadad da far quei pensum supplementar ed era per la buna e seriusa administraziun.

A suandontas parochianas e parochians engrazia nies president Conrad Berther. Specialmein:

- a nies plevon Sur Alexi Manetsch
- a Sux Placi Huonder, Sur Christian Monn e Sur Giusep Berther
- allas calustras ed ugaus
- als chors baselgias da Sedrun e Rueras
- al chor mischedau da Sedrun
- al cussegl pastoral
- alla societad da musica, alla cumpignia da mats ed alla giuventetgna
- all'uniun da dunnas ed all'uniun spitex
- allas autoritads communalas

#### Tractanda 4

### **Rapport dalla presidenta dil Cussegl pastoral**

Il rapport dil cussegl pastoral ei era publicaus el rapport annual e vegn mess en discussiun, dalla quala negin che vul far diever.

#### Tractanda 5

### **Rapport da quen, dils revisurs ed approbaziun dil quen 1999**

Il cassier Simeon Cavegn explichescha clar e bein il quen annual:

Entradas:	frs. 334'542.65
Expensas:	frs. 362'782.40
Fatg anavos:	frs. 28'239.75

Sin las paucas damondas tschentadas sur dil quen sa il cassier dar informaziuns detagliadas per cumpleina cuntentientscha.

En num dils revisurs rapporta Ciril Monn ch'els hagien revediu il quen ed anflau tut per endretg, schuber ed en uorden. Il cassier administreschi las finanzas cun grond saver. El engrazia per la buna lavur e recomonda d'approbar il quen e da dar scarica al cassier ed a tuts funcziunaris. Cun tscherna unanima vegn il quen approbaus.

#### Tractanda 6

### **Preventiv e fixar il pei da taglia per igl onn 2000**

Il preventiv vegn presentaus entras il cassier. Quel preveda entradas da frs. 293'500.- expensas da frs. 321'600.- cun in deficit da frs. 28'100.- Suententer haver discussiunau vegn quel approbaus. La proposta dalla suprastanza da pleiv da schar il pei da taglia sin 10% dalla taglia cantunala sempla vegn sustenida unanimamein.

#### Tractanda 7

### **Decisiun partenent las fiastas da processiun**

Il cussegl pastoral ha reduciu las fiastas da parada pigl onn precedent da tschun sin duas. Ils motivs ein stai evidents demai che treis da quellas curdavan uonn el meins da zercladur e quei enteifer mo 8 dis. Buca mo quei ei stau la raschun da reducir las fiastas da parada, era la participaziun dil pievel e tuttavia dallas uniuns ha dau e dat da patertgar als

responsabels. En vesta a quella situaziun ha la suprastanza dalla pleiv viu per necessari da suttametter quei fatg alla radunonza da pleiv. Ils votums dils presents han confirmau la munconza d'interess da bia cartents per las fiastas ecclesiasticas da nosssa pleiv. Era nies plevon Sur Alexi Manetsch ha explicau la gronda midada duront ils davos 20 onns enteifer la societad, tuttavia en connex cun las puschidas dalla baselgia. Sch' ils runals vegnevan mess en funcziun avon onns pér suenter il survetsch divin dallas fiastas grondas dalla baselgia, eis ei oz aschia che tochen 4 occurrenzas han liug duront il survetsch divin. Igl ei schizun vegniu avon ch' il survetsch divin dalla dumengia ei vegnius disturbau massivamein entras occurrenzas el contuorn dalla baselgia. Certs organisateurs prendan ni notizia ni risguard dils fatgs dalla cuminonza dils cartents.

La discussiun enteifer ils presents ha mussau ch' igl ei buca tuttina tgei che succeda cun las fiastas dalla baselgia. La radunonza ha decidiu da far in' emprova igl onn 2001 cun far treis fiastas da parada. La fiasta da sogn Vigeli, Chor da Maria a Rueras e la fiasta dil sogn Rusari. Da vart dallas uniuns da giuventetgna ha ins survegniu l' empermischun da segidar cun far parada e buca schar ir tut a piarder. Suenter anno 2001 vegn la causa discussiunada danovamein e decidiu sin fundament dallas experientschas fatgas tochen lu.

#### Tractanda 8

### **Purificaziun dalla proprietad dallas fundaziuns ecclesiasticas dalla pleiv da Tujetsch.**

Dapi igl onn 1973 administrescha ina suprastanza autonoma ils fatgs dalla pleiv da Tujetsch. Tier la zavrada dil possess denter la vischnaunca politica e la pleiv ei il possess dallas fundaziuns vegnius registraus sut il num dalla pleiv da Tujetsch. Giuridicamein ei quella registraziun buca dil tut en uorden. Il dretg ecclesiastic renconuschiu dil stadi preveda numnadamein che tut possess dallas fundaziuns saudi a quellas. Cau dallas fundaziuns ecclesiasticas ei igl uestg. Che quei ei adina vegniu renconuschiu e practicaus aschia demuossa era il fatg che tuttas venditas e tuts brats da possess da fundaziuns ecclesiasticas ha basignau il consentiment digl ordinariat episcopal. Cuortamein detg ei la pleiv da Tujetsch en possess che s' auda allas fundaziuns. Tgei munta quella midada per la pleiv? Primarmein vegn il possess registraus sut il num dil ver possessur. La pleiv sa far diever vinavon dil fatg dallas fundaziuns sco tochen oz, ei denton obligada da mantener el. Tier venditas e brats basegnan tuttas fatschentas il consentiment digl ordinariat episcopal sco tochen oz. Tier decisiuns vala denton adina la voluntad dils fundateurs (Stiftungswille). La differenza ei quella che tier las decisiuns dalla cuminonza dalla pleiv decida igl absolut pli. Cun ina votaziun consultativa decida la radunonza generala dalla pleiv da far las preparativas per registrar il possess dallas fundaziuns sut il num da quellas. La suprastanza dalla pleiv vegn a zavrare il fatg dalla pleiv da quel dallas funda-

ziuns e preparar il contract per l'indemnisaziun per mauns dalla radunonza generala digl onn vegnent. Plinavon prepara ella la midada dil correspondent artechel ella consti-tuziun dalla pleiv da Tujetsch che preveda la suprastonza dalla pleiv sco administratura dils fatgs ecclesiastics.


Tractanda 9

## **Varia**

Sut varia negin che s'exprima aschia ch'il president siara la seduta denton buca senza engraziar a tuts quels che han prestau enzatgei per la pleiv, per igl interess, las decisiuns e per la peda dad esser presents questa sera. El giavischa in bien retuorn a casa e la benedicziun dil Tutpussent.

Camischolas, ils 14-07-2000

L'actuara:  
Daniela Monn



**La caplutta  
da s. Brida**



# Rapport

## dalla suprastonza dalla pleiv da Tujetsch per igl onn 2000

Dapi in tschuppel onns rapporta la suprastonza dalla pleiv sur dil curriu e passau enteifer la cuminonza dils cartents e sur dil fatg dalla pleiv cun in rapport a scret. Ei sto esser che quella metoda d'informaziun ei secumprovada, pertgei la participaziun alla radunonza generala ei fetg magra. Dad ina vart san ins sedumandar schebein igl interess per ils fatgs dalla pleiv interessesch ansumma buca la gronda part dils parochians ni ei forsa il rapport a scret aschi informativs e sufficients ch'el cuntenta la gronda part da quels. Seigi sco ei vegli, era el niev millenni sespruein nus d'informar objectiv e clar dil succediu duront igl onn 2000 enteifer quella gronda cuminonza.

Quels che vevan predetg la fin dil mund e perdegau catastrofas cun la midada dil millenni han fatg naufragi. Nossa tiara sevolva inaga per di entuorn sesezza ed inaga ad onn entuorn il sulegl sco usitau e senza far stem dils fauls profets da quest mund ch'ei setrumpai malamein. Il tuchiez giud clutger-baselgia ha annunziiau l'entschatta dil niev millenni cun tuns sonors e clars e forsa muentau ad enqualin da nus la fidonza tier ina pli aulta pussonza che mo tier ils sabis humans.

Era ils schabetgs duront igl onn 2000 stattan a pèr a quels d'auters onns, cletg e disletg, legria e tristezza ein sebrattai ed han tuccau ils ins pli fetg, auters pli pauc sco da vegl enneu. Tut priu astgein nus constatar in bien onn ed esser engrazieivels al bien Diu persuerter.

## En general

Ils davos dis da zercladur ei nies plevon Sur Alexi Manetsch sgulaus ell'Africa ella missiun da Peramio per passentar leu sias vacanzas empau pli liungas. Nus savein che Sur Alexi ha da purtar in grond buordi sco sulet pastur dallas olmas da Tujetsch cun ina massa lavur ella publicitad e carteivel aunc biara dapli el zuppau. Sias beinmeritadas vacanzas en ina atmosfera senza hectica ed en in mund strusch modernisau han puspei dau ad el forza e curascha per continuar cun la pastoraziun en Tujetsch. Duront l'absenza da Sur Manetsch e sin procura dad el han dus spirituals ord la Nigeria surpriu siu pensum tier nus. Ils meins da fenadur ed uost ha Sur Ozeoma pastorau e giu quitau dils basegns spirituals dils parochians da nossa pleiv e duront il settember ha Sur Ephraim continuau sia lavur. Sche nus analisein las experientschas fatgas cun quels dus spirituals d'in auter continent e d'in outra cultura

duront quei temps savein nus constatar fatgs detg positivs. Ina caussa ch'ei curdada en egl a biars da nus ei segir la voluntad da prender temps e peda per las caussas. Sto esser che prender temps ei per els ina valor da gronda qualitat, la quala va deplorablamein a piarder el mund modern. Als dus spirituals Africans engraziein nus da cor per lur lavur, per la premura e pil prender peda.


Ils 19 da november havein nus giu creisma. Sur vicari general dr. Vitus Huonder ha dau honor a nossa pleiv cun spender quei grond sacrament a nos giuvenils. Sur Manetsch e la catecheta Angelica Tuor han preparau ils confirmands per l'arrivada dil sogn Spért. Ina gronda cuminonza ha assistiu al survetsch divin en ina baselgia ornada da fiastas. La collaboraziun dalla societad da musica e dil chor baselgia ensemen cun sogn Pieder che veva procurau per in'aura grondiusa, ha legrau grond e pign. Possi quei grond di restar a nus en buna memoria e las vertids dil s. Spért veglien emplenir ils cors dils confirmands pigl engaschi per Christus. A Sur Vitus Huonder, ch'ei vegnius informaus dalla suprastonza dalla pleiv pertuccont menaschi dalla pleiv e pastoraziun, engraziein nus per sia capientscha e siu sustegn e la viseta en Tujetsch.

Egl onn 2000 havein nus registrau 12 mortoris. Il Segner detti ad els il ruaus perpe-ten. Per tuts survetschs fatgs a nossa cuminonza admettein nus ad els in Dieus paghi. Lein salvar els en buna memoria.

Ils ins van, auters vegnan. Aschia ha la pleiv astgau beneventar igl onn vargau 13 pignets el ravugl dalla cuminonza cristiana. A geniturs ed affons admettein nus nos-  
sa cordiala gratulaziun e nos megliers auguris pil futur.

## **A Sur Placi Huonder sils 90**

Ils 5 d'avrel ha Sur Placi Huonder astgau pasar sur la sava dil 90avel onn da naschient-scha. Cun ina mudesta festividat el ravugl dils cussadents dalla casa s. Vigeli, cun ina dele-gaziun dils pli datier parents e representants dalla vischnaunca e dalla pleiv ha ins hono-  
rau il giubilar ed engraziaiu ad el per il pre-  
stau duront sia veta per nossa cuminonza. Varga 50 onns ha Sur Placi pastorau en diffe-  
rentas pleivs, naven da Morissen, Sursaissa, Sumvitg e Trun per lu serender ella casa s.



Vigeli a Sedrun e surpender leu la lavur pastorala per nos vegls. A Sur Placi gratulein nus cordialmein per quei ault natalezi e giavischein aunc bia e bials onns en cumpleina sanadad. Per tuts buns survetschs per nies pievel Sursilvan schein nus in cordial Dieus paghi.

## **Fiasta dil 50avel anniversari dalla baselgia da s. Gion e s. Paul Selva**

L'emprema dumengia da zercladur ha la pleiv festivau il 50avel anniversari dapi la reconstrucziun dalla baselgia da Selva. Il barschament d'anno 1949 veva era destruiu il sanctuari da s. Gion e s. Paul, aschia che Selva steva puspei avon las restonzas d'ina baselgia ch'era daventada per la secunda gada l'unfrenda dallas flommas. Igl onn 1950 ha ins entschiet cun la reconstrucziun dalla baselgia nova ed ils 8 da settember 1952 ei quella vegnida consecrada dad uestg Christianus Caminada. El survetsch divin festiv, celebraus da Sur Alexi Manetsch ed enramaus cun cant dil chor mischedau da Rueras ei vegniu seregurdau da quels ch'ei vivi a Selva duront bia tschentaners. La gronda fidonza en Diu ha adina puspei dau curascha e forza ad els da star fideivels al tschespet muntagnard e sedefender encunter tuts cumbats dalla natira.

## **Midadas tiel personal**

Cun la fin digl onn da scola 1999/2000 ha dunna Daniela Cavegn-Pally remess igl uffeci da catecheta tier la pleiv da Tujetsch. Siu engaschi ha cuzzau diesch onns, duront ils quals ella ha dau religiun a differentas classas dil scalem bass. La suprastonza da pleiv engrazia alla Daniela era en num dils parochians per tutta buna lavur d'instrucziun per nos vegnentsuenter, denton era per la lavur en favur dalla pleiv sin differents auters camps. Era pigl avegnir giavischein nus cletg e ventira e vinavon buna collaboraziun.

La caplutta da sontga Clau ed il hotel «Rheinquelle» saudan tier il vitg da Tschamut sco il bab e la mumma tier ina famiglia. Duront in miez tschentaner ha la famiglia da Benedetg Beer ni ses descendents giu quitau e fatg ugau e caluster dalla caplutta cun gronda premura e quitau. Ils davos vegn onns ei quei stau la lavur dil Beat e dalla Brigitta, ils quals han denton remess lur uffeci cun il di ch'els han bandunau Tschamut. Per ils gronds survetschs, per tonta premura e beinvuglientscha en honor da s. Clau e per la pleiv da Tujetsch admettein nus in resentiu engraziament, principalmein alla famiglia Müller.

Legreivlamein ein ils novs possessurs dil hotel sedeclarai promts da continuar cun quella isonza da lur antecessurs ed han surpriu l'incumbensa d'ugau e caluster della caplutta da s. Clau. Sco successura da Beat Müller ha la suprastonza dalla pleiv elegiu dunna Francisca Berther-Kuster per quei post. Sco sche quei secapess da sesez ha ella dau plaid da far quei survetsch. Nus essan engrazieivels per la promtadad da surprendre quei uffeci e giavischein satisfacziun e cuntentientscha.

## **Activitads dalla suprastonza**

En connex cun laestrucziun dil menaschi finanziel da baselgias e capluttas digl onn vargau ha la suprastonza era midau il modus da rendaquen dils ugaus. Enstagl che quels vegnien mintgamai tier la suprastonza per dar plaid e fatg dil menaschi dallas fundaziuns (tudestg: Stiftungen) ha la suprastonza fatg viseta a mintga baselgia e caplutta. Igl ei stau la caschun da schar orientar igl ugau sur dil stan dil fatg dallas differentas fundaziuns, da l'otra vart ha nies cassier orientau ils ugaus sur dallas finanzas dalla fundaziun. Alla fin da nies viadi havein nus giu ina stupenta survesta da tut quei ch'ei suttamess a l'administraziun dalla suprastonza da pleiv.

Il possess dallas fundaziuns ecclesiasticas sigl intschess dalla vischnaunca da Tujetsch ei vegnius registraus tier la zavrada denter vischnaunca politica e pleiv sut il num «Pleiv Tujetsch». Sefundond sil dretg ecclesiastic, renconuschius dil stadi, fa la Curia gia dapi onns attents la suprastonza da pleiv che quei fatg s'audi buca alla pleiv, mobein allas fundaziuns e pretenda da registrar entuorn quel. Suprem organ dil possess dallas fundaziuns ei igl uestg. Il fatg, che tuttas fatschentas - sco venditas e brats da possess che pertuccan fundaziuns - han tochen oz adina basignau il consentiment digl ordinariat episcopal, atesta quella pretensium.

Ins sa supponer che in ni l'auter dils lecturs fa ussa la damonda, daco che la Curia fa quella pretensium e pertgei la radunonza generala digl onn vargau ha dau glisch verda da far preparativas per far quella midada?

En quei cass va ei per duas caussas, primo ch'il possess seigi registraus sut il num dil dretg possessur e secundo per la muntada dellas decisiuns da quellas duas cumionzas. Aschia ei la voluntad dils fundatur vegnida fixada da quels gia tier la fundaziun. Tenor lescha ei quella valeivla naven dil mument che la fundaziun ei vegnida fatga e vala per adina, quei vul dir era oz ed egl avegnir.

Auter eis ei cun las decisiuns dalla cuminonza dalla pleiv. Las relaziuns semidan cul temps e cun ellas era bia decisiuns, constataziuns che nus fagein bunamein mintga di. Ed exactamein cheu schai l'impurtonza ch'il fatg seigi registraus tiel dretg possessur, pertgei tier decisiuns dalla cuminonza dalla pleiv decida adina igl absolut pli. Sche la registraziun ei fatga sco ei s'auda sut il num dallas fundaziuns ha la cuminonza dalla pleiv tuttina la pussevkladad da prender decisiuns. Quellas basegnan denton adina il consentiment dil cau dallas fundaziuns.

Partenent il far diever dil fatg dallas fundaziuns ei la caussa reglada aschia che la cuminonza dalla pleiv sa far diever da quel, da l'autra vart eis ella obligada da mantener quel.


Sco usitau ils davos onns ein las suprastonzas dallas pleivs da Mustér, Medel e Tujetsch era sentupadas gl'onn vargau per in inscunter. Ils temas da discussiun, sco in luvrer/a da giuventetgna, scartezia da spirituals e la lavur dils laics ein vegnidas sin tapet presapauc sco ils onns vargai. Deplorablamein ston ins constatar che la beinvuglientscha d'encurir slihaziuns per tals problems ei bein avon maun denton fa quella meinsvart naufragi cura ch'ei setracta da financiar la caussa.

## **Baselgias e capluttas**

Sche nos vegls schevan ch'il baghegiar ina casa seigi pli sempel che da mantener quella, constatein nus enzatgei semegliont tier ils edifecis sacrals sil territori da nossa pleiv. Il manteniment da baselgias e capluttas consumescha onn per onn ina biala summa daners. Ins sto sedumandar schebein ei fa da basegns da mantener tut quei ch'ei avon maun ni buca. Sch'ins less far stem dallas tschontschas e meinis da certa glied e cumpareglia lu aunc il diever da certs edifecis sche fuss ei veramein da far enqual enzenna da damonda. Per cletg dat ei aunc outra glied che miran buca mo sin la rendita mobein patratgan auter ed han profunda cardientscha ed era senn per la cultura. Quella glied motivescha adina puspei da ver quitau dil relasch da nos babuns ils quals han giu pli bia curascha e fidonza che certins dils nos ozildi.

Ella baselgia da s. Vigeli a Sedrun ein ils maletgs dis dus altars laterals vegni restauri. Ina persuna che vul buca vegnir numnada ha pagau la restauraziun. La lavur ei vegni-da fatga dil restauratur J. Joos, Andeer. El decuors dils onns eran ils maletgs vegni tschufs, bia detagls eran buca pli veseivels. Cumpareglian ins il resultat dalla restauraziun dils maletgs cun quel digl altar grond, sche dubeta probablmein negin che era quel havess ner basegns da vegnir schubergiaus. Alla donatura admettein nus in sincer Dieus paghi.

**Baselgia parochiala  
cun niev santeri**



A Tschamut, Zarcuns e Surrein ei vegniu installau novs scaldaments electric. Las experienschas culla caplutta da s. Onna a Camischolas han mussau ch'igl ei pli prudent da scaldar endretg ina caplutta quei mument che quella vegn duvrada e lu surschar ella allas temperaturas che regian ordaviert. Dad ina vart san ins spargnar ina massa energia, da l'autra vart eis ei era ina contribuziun enviars nies ambient.

La crusch dalla caplutta da s. Antoni a Surrein stat dapi decennis tut crutscha sil clutger. Schizun sil maletg dalla biala brochura «Baselgias e capluttas» cun text da Tarcisi Hendry e fotografias da Erwin Cathomas, la qualla datescha digl onn 1983, stat quella en ina posiziun plitost tresta. Ils resuns dils vischins da Surrein han schau sentir ch'ei fussi neras uras da metter quei en uorden. Cun raschun. Denton co far ei buca stau aschi sempel. Sco detg, per cletg dat ei gliעד che segida e che sa era sestellegiar. Strusch giu endamen e gia steva la crusch avon esch per metter en uorden. Sch'in ei pipa da tschentiar ina crusch sigl ault dil pez Culmatsch sche duess quei esser negin striegn da far migliur vid ina crusch sisum in clutger. Paucas jamnas pli tard era la reparatura fatga. Dapi la stad vargada stat la crusch a grad sco ina lingiala sur la rucla tarlischonta, ch'ei medemamein vegnida sulerada

cun aur e pagada d'ina persuna privata. La supra-stonza dalla pleiv admetta - era en num dils vischins da Surrein - in sincer Dieus paghi per la promptadad e la gagliardia da metter quella caussa en uorden senza effectuar cuosts a zatgi.

Engrazia fetg.

La cassa dalla caplutta da s. Brida, ni meglier detg, il bischel che havess giu da direger las bancnotas e las muneidas ella cassa era meinsvart stuppau. Igl ugau-caplutta era nuota propi incantaus da quei fatg, tuttavia cura ch'ei ruclava nuot pli ella cassa. Ei ha dau negin'otra letga che far migliur en caussa e surdar quella lavur. Il termin per quella midada ei staus ordvart disfavoreivels. La ruosna scalprada ora el mir ei stada veseivla duront bunamein tutta stad ed ha effectuuau massa fauls suspects e bia telefons. Quella gada eis ei per cletg buca stau l'ovra dils laders, mobein quella d'ina disfavoreivla planisaziun.

Sco ins sa far persenn el quen dalla pleiv dat ei era tier las baselgias e capluttas in tschuat expensas fixas che serepetan onn per onn. Per garantir il funcziunar dallas orglas, dil tuchiez, dallas uras-baselgia ed auter, basegna ei in continuau manteniment. Ord quei motiv ha la pleiv fatg abbonaments da service ils quals pretendan controllas regularas. Plinavon consumeschan las segiradas da baghetgs, quellas da responsablidad e l'energia electrica mintg'onn ina massa raps.



## **Casas, baghetgs e beins**

Las entradas per tscheins-casa, tscheins da praus, per la piazza da sport e parcadis semovan ella summa da biabein 50'000.00 frs. ad onn. La gronda part da quels beins s'auda allas fundaziuns. Sco menziunau pli baul sa la pleiv far diever da quel-las entradas, sto persunter denton procurar sin ina moda u l'otra ch'il fatg vegni mantenius. E da mantener ina caussa ni l'otra dat ei mintg'onn. Uonn per exempel ha la pleiv stuiu rugalar il bogn dalla casa pervenda veglia a Sedrun e dasperas aunc remplazzar tscheu e leu enqual indrez che veva dau si il spért.

Pigl avegnir ston ins prender en mira la sanaziun dalla casa pervenda, nua che Sur Alexi Manetsch habitescha. Dapi che quella ei vegnida baghegiada ei il temps semidaus e cun el era la cultura da viver. Plantschius che tgulan cura ch'ins passa sissu, finiastras semplas e preits strusch isoladas ston vegnidas megliuradas. Cun ina sanaziun da rudien quantan ins era saver spargnar empau ieli da scaldar.

Il anno 1989 ha la pleiv fatg ina cunvegna cun ils proprietaris dil niev baghetg dil Coop a Sedrun/Mira ed aschia possibilitau a quels la surbaghegiada. Cun quei che la parcella era memia pintga en connex cun la cefra d'utilisaziun ha la societad dalla surbaghegiada dumandau la pleiv d'astgar far diever d'ina pintga part dalla parcella dil prau Dulezi per saver ereger il baghetg. Sunter la midada dalla lescha da baghegiar igl onn 1995 e cun quella era dalla cefra d'utilisaziun ei quei basegns buca staus pli avon maun. Da quei mument naven ei era la contribuziun annuala curdada e la cunvegna ei puspei vegnida sliigiada si. El decuors digl onn da quen han las partidas dau la suttascripziun per la liquidaziun da quei fatg.

## **Renadaquen e finanzas**

Il quen annual per igl onn 2000 ei aschuntaus a quei rapport. Per la premurada lavur da nies cassier admetta la suprastonza in resentiu engraziament.

## **Engraziament**

Il responsabels dalla pleiv admettan a Vus tuts, preziadas parochianas e preziai parochians, il beinmeritau engraziament. Senza la participaziun dalla singula e dil singul dat ei negina cuminonza. E che quella ei era oz avon maun san ins far persenn las dumengias, las fiastas ecclesiasticas, tier sepulturas ed auters eveniments.



Segiramein dat ei en quella cuminonza da quel(la)s che contribueschan dapli che auters pil survivor e beinstar da quella. Per la biara e buna lavur schein nus a tuttas ed a tuts in cordial «Dieus paghi».

### **Engraziament special admettein:**

- *a nies plevon sur Alexi Manetsch.*  
Siu engaschi ei gronds e pretenda bia responsabilidad
- *a sur Placi Huonder, sur Christian Monn e Sur Giusep Berther*  
per lur fritgeivel operar en favur da nossa pleiv e nos attempai
- *allas calustras ed ugaus da baselgias e capluttas*  
per tutta lavur e quitau pils sanctuaris ed era a tuttas ministrantas e ministrants
- *als chors baselgia da Sedrun e Rueras, al chor mischedau da Sedrun cun lur dirigents, sco era allas organistas ed organists*  
per lur bi cant e musica duront ils survetschs divins,
- *al cussegl pastoral*  
per sia gronda activitad sin palancau social e liturgic
- *alla societad da musica e siu dirigent, alla cumpignia da mats ed alla giuventetgna*  
per lur engaschi per la pleiv
- *all' uniun da dunnas, all' uniun samaritana ed all' uniun spitex*  
per lur gronds survetschs socials
- *al(la)s gidontras e gidonters el camp da ministrants, allas autoritads communalas*  
per lur sensori pils basegns dalla pleiv.

Alla fin da miu rapport giavischel jeu a Vus tuts tut bien, perseveronza perschuidida pils fatgs da nossa religiun sut la protecziun dil Tutpussent.

Rueras, fevrer 2001

Per la suprastonza dalla pleiv da Tujetsch

Il president:  
Conrad Berther

# Rapport annual dil Cussegl pastoral

Preziadas conparochianas, prezias conparochians

In onn ei puspei vargaus, ed ei tucca a mi da dar sclariment sur dalla lavur digl onn 2000 enteifer il cussegl pastoral.

## Fiastas da parada

Ensemen cun las uniuns da giuventetgna da Rueras e Sedrun havein nus empruau da motivar ils giuvens e giuvnas da separticipar alla cumpignia da mats. L'emprova ei gartegiada. Las giuvnas ed ils giuvens han fatg gronda honor ed accumpignau stediamein las fiastas da parada. Persuenter engraziein nus fetg e supplichein da cuntinuar.

## Di da suppa

Sco mintg'onn havein nus astgau organisar ensemen cun la giuventetgna il di da suppa en favur dall'unfrenda da cureisma. Nus engraziein a quels ch'ei s'engaschai, sco era a tuts che han priu part da quei survetsch divin ed han unfriu en favur dil tierz mund. A nies donatur dalla buna suppa, Jgnazi Schmid-Hendry in cordial Dieus paghi.

## Fiasta da Sontgilcrest

Il zercladur havein nus saviu celebrar la s. messa da Sontgilcrest avon casa s. Vigeli. Suenter messa han ils gidonters dil camp da ministrants fatg per tut il pievel in gentar cun ina buna grillada. Biars han priu la caschun ed han gentau da cuminonza. Il recav ei ius en favur dil camp 2001. En num dil cussegl pastoral lessel engraziar als organisateurs per tut la buna lavur prestada en favur da nos affons.

## Messa per famiglias giuvnas

Il december ha pader Silvio Deragisch cun sur Alexi Manetsch ed Angelica Tuor organisau in survetsch divin per famiglias giuvnas en sala da scola a Sedrun. Sco adina han els preparau ina biala s.messa che ha plaschiu a pign e grond. Els han lu era saviu beneventar bia famiglias tier quei survetsch divin. Als organisateurs in grond Dieus paghi. Nus tuts sperein ch'ils organisateurs tuornien a celebrar cun nus quella s.messa in auter onn.

## Survetsch divin preeucaristic e liturgic

Sco usitau ha la gruppa preeucaristica e la gruppa liturgica preparau e celebrau ils survetschs divins dil plaid per la dumengia. Allas commemoras dil survetsch preeucaristic, allas lecturas e lecturs dalla liturgica seigi engraziau grondamein per quei niebel survetsch.

## Conclusiun


In explicau Dieus paghi s'auda a nies nunstunclenteivel e bien plevon sur Alexi Manetsch per siu survetsch e grond engaschi. In cordial engraziament als spirituals dalla casa s. Vigeli sur Christian Monn, sur Giusep Berther ed a sur Placi Huonder per lur survetschs. A mes consuprastonts/as, sco era tuts commembers dil cussegl pastoral seigi engraziua per la buna collaboraziun. In meriteivel engraziment sauda alla suprastonza da pleiv cum il president Conrad Berther per siu sustegn. A tuts gidonters en pastoraziun e pleivs, allas calustras e calusters, a nos chors cum lur dirigents ed organists sco era allas uniuns che segidan per il beinstar da nossa pleiv sauda in cauld engraziament.

Camischolas, mars 2001

Per il Cussegl pastoral

La presidenta

Ursulina Cavegn



**La caplutta da s. Bistgaun**

# Bilanza per ils 31.12.2000

## Activitats:

### Facultad currenta

Conto banca Cantunala	14'010.15
Conto banca Raiffeisen	28'826.85
Conto BRT, «altar s. Fossa»	0.00
Dabien taglia da cult	221'388.10
Dabien taglia anticipada	295.05
Activas transitoricas	698.35

### Facultad piazzada

Casa parvenda Sedrun	244'000.00
Casa parvenda veglia Sedrun	174'000.00
Casa parvenda Rueras	145'500.00
Casa parvenda Selva	179'500.00
Baghetg Selva	37'800.00
Faner Rueras	8'400.00
Prau agricol	20'000.00

### Tetels da valur/emprests

Obligaziuns Banca Raiffeisen	4'000.00
Conto da spargn BRT	26'074.00
Emprest baselgia s. Vigeli	25'000.00

## Passivas:

### Capital jester

Crediturs	2'902.25
Deivet hipotecar	60'000.00
Passivas transitoricas	0.00

### Agen capital e reservas

Agen capital	1'005'082.20
Reserva manten.baghetgs e baselgias	50'000.00
<b>Gudogn / sperdita digl onn</b>	<b>11'508.05</b>

<b>Total</b>	<b>1'129'492.50</b>	<b>1'129'492.50</b>
--------------	---------------------	---------------------

7188 Sedrun, ils 28 da mars 2001 sc

Il cassier: Cavegn Simeon

# Quen da cult pigl onn 2000

## Expensas

### Cuosts da personal/instanzas

Pagas	151'842.25
Pagas e cuosts suprastonza	28'231.25
Cuors da perfecziun	40.00
Cussegl pastoral/agid pastoraziun	4'816.30
Cassa da cumpensaziun Avs	14'716.35
Cassa da pensiun	6'461.05
Cassa da malsauns ed accidents	2'353.55
Ulteriurs cuosts da personal	8'705.70

### Cuosts casas, baghetgs ed indrezs

Manteniment casas	29'578.05
Manteniment baghetgs	0.00
Manteniment indrezs	1'347.35
Manteniment e cuosts dad orglas	2'478.00
Manteniment baselgias e lavurs da contuorn	1'494.20
Ieli, electricitad, aua	6'246.25
Serenera e miardas	2'113.40

### Cuosts generals

Tscheins e cuosts da banca	2'816.00
Taglias	1'257.00
Segiradas	2'680.10
Auto e garascha	4'200.00
Contribuziuns	15'496.90
Incasso taglia	3'676.00
Uorden per dar ductrina	5'190.75
Stampats/publicaziuns/inserats	5'571.95
Cuosts da biro/EDV/portis	234.60
Spesas suprastonza/consummaziuns radunonzas	2'138.10
Ulteriurs cuosts generals	4'718.10
Deducziuns	11'800.00

### Total expensas

**320'203.20**

## **Entradas**

### **Taglias**

Taglia da cult	221'388.10
Taglia alla fontauna	24'208.80

### **Tscheins**

Tscheins casa	41'139.40
Tscheins da banca	275.30
Tscheins fondos e carnets	586.00
Tscheins da praus e terren	4'618.00
Parcadis/plazza da sport	18'237.00
Tschaler da schurmetg	3'547.00

### **Contribuziuns**

Contribuziuns caluster	1'500.00
Contribuziuns ductrina	6'000.00

### **Diversas**

Contribuziuns e bunamanas altar s. fossa	9'320.15
Diversas entradas	891.50

**Total entradas** \*331'711.25

### **Cumparegliaziun:**

Total expensas/entradas	*320'203.20	*331'711.25
Fatg anavon	*11'508.05	
<b>Total entradas</b>	<b>*331'711.25</b>	<b>*331'711.25</b>

# Preventiv 2001

## 1. Pleiv

Expensas	Quen 2000	Prev. 2001
<b>Cuosts persunal/instanzas</b>		
Pagas	- 151'842.25	160'000.00
Pagas e cuosts da suprastonza	- 28'231.25	30'000.00
Cuors da perfecziun	- 40.00	2'000.00
Cussegl pastoral	- 2'000.00	3'000.00
Agid vid la pastoraziun	- 2'816.30	3'000.00
Cassa da cumpensaziun AVS	- 14'716.35	18'000.00
Cassa da pensiun	- 6'461.05	8'000.00
Cassa da malsaus ed accidents	- 2'353.55	3'000.00
Ulteriurs cuosts da persunal	- 8'705.70	8'000.00
<b>Cuosts casas/baghetgs ed indrezs</b>		
Manteniment casas	- 29'578.05	60'000.00
Manteniment baghetgs	0.00	5'000.00
Manteniment indrezs	- 1'347.35	1'500.00
Manteniment e cuosts dad orglas	- 2'478.00	1'000.00
Manteniment baselgias e lavurs da contuorn	- 1'494.20	9'000.00
Ieli, electricitad, aua	- 6'246.25	6'000.00
Serenera, canalisaziun, miardas	- 2'113.40	2'500.00
<b>Cuosts generals</b>		
Tscheins e cuosts da banca	- 2'816.00	2'500.00
Taglias	- 1'257.00	1'300.00
Segiradas	- 2'680.10	3'000.00
Auto, garascha	- 4'200.00	4'200.00
Contribuziuns	- 15'496.90	15'000.00
Incasso taglia	- 3'676.00	4'500.00
Uorden per dar ductrina	- 5'190.75	8'000.00
Stampats, inserats	- 5'571.95	5'000.00
Cuosts da biro, eed, porti	- 234.60	2'000.00
Spesas suprast./consumm.radunonzas	- 2'138.10	2'000.00
Ulteriurs cuosts generals	- 4'718.10	4'000.00
Deducziuns	- 11'800.00	11'500.00
<b>Total expensas</b>	<b>- 320'203.20</b>	<b>383'000.00</b>

## **Entradas**

### **Taglias**

Taglia da cult	221'388.10	200'000.00
Taglia alla fontauna	24'208.80	20'000.00

### **Tscheins**

Tscheins casa	41'139.40	40'000.00
Tscheins bancar	275.30	300.00
Tscheins fondos e carnets	586.00	500.00
Tscheins da praus e terren	4'618.00	4'600.00
Tscheins parcadis, piazza da sport	18'237.00	18'200.00
Tschaler da schurmetg	3'547.00	3'500.00

### **Contribuziuns**

Contribuziuns caluster	1'500.00	1'500.00
Contribuziuns ductrina	6'000.00	6'000.00

### **Diversas**

Bunamanas altar s. Fossa	9'320.15	0.00
Diversas entradas	891.50	0.00

<b>Total entradas</b>	<b>331'711.25</b>	<b>294'600.00</b>
-----------------------	-------------------	-------------------

## **Survesta**

### **Quen/Preventiv**

Expensas	320'203.20	383'000.00
Entradas	331'711.25	294'600.00

<b>Gudogn/Sperdita</b>	<b>11'508.05</b>	<b>- 88'400.00</b>
------------------------	------------------	--------------------



## Revista dil quen 2000 dalla baselgia s. Vigeli

### Entradas

Unfrendas ordinarias/bunamanas	15'143.90
Restituziun messas fundadas 1974	1'500.00
Tscheins activs	3'350.20
Taglia anticipada	1'818.20
Contribuziuns segiradas	833.35
Bunamanas	761.70
<b>Total entradas</b>	<b>23'407.35</b>

### Expensas

Segiradas/taxas	4'110.75
Energia	8'167.75
Stipendis messas fundadas	4'750.00
Embelliments/candeilas	3'011.80
Vins da messa/hostias	3'392.10
Manteniments	8'144.65
Tscheins/spesas banca	2'243.80
Diversas	4'373.80
<b>Total expensas</b>	<b>38'194.65</b>

**Surpli expensas** **14'787.30**

Il cassier: Cavegn Simeon

## Revista dil quen 2000 dalla baselgia s. Giachen

### Entradas

Unfrendas ordinarias	7'499.70
Glischettas	3'284.20
Tscheins activs	774.05
Taglia anticipada	1'744.15
Bunamanas/subvenziuns	45'254.00
Restituziun messas fundadas	1'500.00
<b>Total entradas</b>	<b>60'056.10</b>

### Expensas

Segiradas/taxas	2'415.85
Energia	3'406.15
Stipendis messas fundadas	2'180.00
Embelliments/candeilas	883.50
Vins da messa/hostias	728.00
Manteniments	580.80
Tscheins/spesas banca	3'451.80
Diversas	345.00
<b>Total expensas</b>	<b>13'991.10</b>

**Surpli entradas** **46'065.00**

Il cassier:

Cavegn Simeon

## Facultad baselgias e capluttas

<b>Sedrun: Baselgia s. Vigeli</b>	Facultad	14'381.10
Ugau e caluster:	Deivet	75'000.00
Deplazes Ursula	Fondo messas fundadas	190'260.00
<b>Rueras: Baselgia s.Giachen</b>	Facultad	433.00
Ugau e caluster:	Deivet bancar	76'100.00
Monn Imelda	Deivet Fondo mess. fund.	86'700.00
	Fondo messas fundadas	115'310.00
<b>Selva: Baselgia s.Gion e Paul</b>	Facultad	52'661.00
Ugau e caluster:	Fondo messa fundadas	30'250.00
Monn Flurin		
<b>Tschamut: Caplutta s. Clau</b>	Facultad	8'766.00
Ugau: Franziska Berther-Kuster		
<b>Giuiv: Casplutta s. Bistgaun</b>	Facultad	18'093.70
Ugau: Monn Gion Giachen		
<b>s. Brida: Caplutta s. Brida</b>	Facultad	10'942.00
Ugau: Monn Flurin		
<b>Zarcuns: Caplutta Nossadunna</b>	Facultad	12'476.00
Ugau: Schmid Vigeli		
<b>Camischolas: Caplutta s.Onna</b>	Facultad	1'104.00
Ugau: Cavegn Venanzi	Deivet	32'000.00
<b>Bugnei: Caplutta s. Giusep</b>	Facultad	43'210.90
Ugau: Solèr Ambrosi		
<b>Surrein: Caplutta s. Antoni</b>	Facultad	35'847.00
Ugau: Loretz Jovita		
<b>Cavorgia: Caplutta s. Leci</b>	Facultad	7'408.00
Ugau: Hendry Ursulina		
Il cassier:		Cavegn Simeon

## **Rapport dils revisurs da quen dalla Pleiv da Tujetsch**

Per la radunonza generala

Stimada suprastonza

Preziadas commembras e prezias commembers dalla Pleiv da Tujetsch

Mesjamna, ils 28 da mars 2001 havein nus inspectau il quen e bilanza dalla pleiv per igl onn 2000. Ulteriuramein havein era examinau ils quens dallas baselgias e capluttas. Il cassier Simon Cavegn ei staus presents ed ha saviu dar sclariment e plaid e fatg sin nossas damondas. Il quen ei menaus conform allas normas dad oz, schuber e bein. Ils necessaris mus-saments ein avon maun e corrispundan allas cudischaziuns.

Sin fundament da nossa controlla proponin nus alla radunonza generala:

- a. dad approbar il quen e bilanza 2000 dalla Pleiv da Tujetsch*
- b. da dar scarica a cassier e funcziunaris*
- c. dad admetter al cassier in cordial Dieus paghi per siu grond engaschi*

Sedrun, entschatta avrel 2001

Ils revisurs:

Ciril Monn

Rudolf Cavegn

## **Officials dalla Pleiv Tujetsch**

### **Suprastonza dalla pleiv**

president  
vicepresident  
actuar  
cassier

Berther Conrad, 7189 Rueras  
Venzin Mudest, 7189 Rueras  
Monn Daniela, 7187 Camischolas  
Cavegn Simeon, 7188 Sedrun  
Cavegn Ursulina, 7187 Camischolas  
sur Manetsch Alexi, Sedrun (ex off.)

### **Revisurs da quen**

suppleants

Cavegn Rudolf, Sedrun  
Monn Ciril, 7187 Camischolas  
Vinzens Linus, 7189 Rueras  
Monn Hans, 7187 Camischolas

### **Ugaus baselgias e capluttas**

Tschamut

Selva  
S.Brida  
Giuv  
Rueras  
Zarcuns  
Camischolas  
Sedrun  
Sontget dils gediis  
Bugnei  
Surrein  
Cavorgia

Beat Müllerr, Tschamut/  
Franzisca Berther Tschamut  
Monn Flurin, Selva  
Monn Flurin, Selva  
Monn Gion Giachen, Rueras  
Monn Imelda, Rueras  
Schmid Vigeli, Zarcuns  
Cavegn Venanzi, Camischolas  
Deplazes Ursula, Sedrun  
Deragisch Valentin, Sedrun  
Solér Ambrosi, Bugnei  
Loretz Jovita, Surrein  
Hendry Ursulina, Cavorgia

### **Organists/as**

Rueras

Pally Vinzens, Rueras  
Berther Rita, Rueras  
Schmid Fabiola, Cuera  
Steinacher Erica, Turitg/Mustér

Sedrun

### **Dirigents dils chors**

baselgia Rueras  
baselgia Sedrun

Monn Hans, Camischolas-sura  
Hendry Benedetg, Sedrun

### **Calustra Rueras**

**Calustra Sedrun**

Monn-Monn, Imelda Rueras  
Deplazes Ursula, Sedrun

### **Cussegl pastoral**

president  
actuara

Cavegn Ursulina, Camischolas  
Loretz Jovita, Surrein

cassiera

Cavegn Alexander, Rueras  
Berther-Loretz Letizia, Camischolas  
Berther Florian, Rueras  
Berther-Monn Claudia, Camischolas  
Berther Gepharda, Rueras  
Cavegn-Tenner Rita, Camischolas  
Cavegn Barla Agata, Rueras  
Deplazes Ursula, Sedrun  
Hendry Sabrina, Surrein  
Loretz Rebecca, Sedrun

ex. officio

Manetsch sur Alexi, Sedrun  
Monn Imelda, Rueras  
Monn-Manetsch Nazi, Sedrun  
Munsch Marcus, Sedrun  
Tuor Angelica, Camischolas

**Catechetas**

Cavegn-Pally Daniela, Sedrun  
Tuor Angelica, Camischolas

**Parter ora la s. communion,  
lecturs/as, survetsch preeucaristic  
e gruppa liturgica**

Berther Bruno, Rueras  
Berther Tumaisch, Sedrun  
Cathomen Bernadetta, Sedrun  
Cavegn Daniela, Sedrun  
Cavegn Francisca, Sedrun  
Cavegn Nesa, Sedrun  
Curschellas Anna, Sedrun  
Deplazes Ursula, Sedrun  
Flury Yvonne, Camischolas  
Giossi Nicolina, Rueras  
Hendry Antonia, Sedrun  
Hendry Raffaella, Sedrun  
Monn Hans, Camischolas-sura  
Monn Imelda, Rueras  
Monn Marianna, Sedrun  
Monn-Manetsch Renata, Sedrun  
Monn Sep Andriu, Sedrun  
Marcus Munsch, Sedrun  
Schmet Giuseppa, Sedrun  
Schmid Vigeli, Zarcuns  
Soliva Marcel, Sedrun  
Vinzens Patrizia Sedrun